

**SYARAT-SYARAT PENAWARAN PROGRAM LANJUTAN PERINGKAT
DIPLOMA LANJUTAN DAN POS BASIK SECARA SEPENUH MASA DI INSTITUT
LATIHAN KEMENTERIAN KESIHATAN MALAYSIA SESI SEPTEMBER 2026**

1. SYARAT AM

- 1.1 Berumur tidak melebihi **50 tahun** pada **tarikh tutup tawaran**;
- 1.2 Berkhidmat secara **TETAP** atau ^a**KONTRAK**;
- 1.3 Pegawai telah **disahkan dalam skim perkhidmatan** terkini bagi lantikan tetap pada tarikh tutup permohonan;
- 1.4 Bagi calon **Kerajaan & Badan Berkanun**, pegawai perlu mencapai **purata markah Penilaian Prestasi Tahunan 85% dan ke atas** bagi tempoh **TIGA (3) tahun** dalam **skim perkhidmatan terkini secara BERTURUT-TURUT (2023, 2024, 2025)** termasuk penilaian semasa dalam **tempoh lantikan kontrak**. **Penilaian Prestasi Tahunan** hendaklah **GENAP 12 BULAN**;
- 1.5 Bagi pegawai **Peningkatan Secara Lantikan (PSL)**, pegawai perlu **disahkan dalam skim perkhidmatan terkini** dan mencapai **purata Penilaian Prestasi Tahunan 85% dan ke atas** bagi tempoh **TIGA (3) tahun** dalam **skim perkhidmatan terkini secara BERTURUT-TURUT (2023, 2024, 2025)**. **Penilaian Prestasi Tahunan** hendaklah **GENAP 12 BULAN**;
- 1.6 Bagi pegawai **Peningkatan Secara Lantikan (PSL)** yang memohon **Diploma Lanjutan Kebidanan**, pegawai perlu **disahkan dalam skim perkhidmatan terkini** dan mencapai **purata Penilaian Prestasi Tahunan 85% dan ke atas** bagi tempoh **DUA (2) tahun** dalam **skim perkhidmatan terkini secara BERTURUT-TURUT (2024, 2025)**. **Penilaian Prestasi Tahunan** hendaklah **GENAP 12 BULAN**;
- 1.7 Pegawai **bersih/bebas** daripada sebarang **pertuduhan/prosiding dan tindakan tatatertib, siasatan dan/atau dalam proses dakwaan mahkamah**;
- 1.8 Diperakukan oleh Ketua Jabatan;

^aKelayakan bagi pegawai KKM lantikan kontrak adalah tertakluk kepada kelulusan Jabatan Perkhidmatan Awam (JPA)

- 1.9 **Lulus pemeriksaan kesihatan** oleh Pegawai Perubatan Kerajaan (**termasuk ujian Hepatitis B, Hepatitis C & HIV/AIDS dan U.P.T**) selepas calon terpilih untuk mengikuti Program Lanjutan. Sekiranya keputusan pemeriksaan perubatan tidak lulus, tawaran adalah **terbatal dengan sendiri**;
- 1.10 **Pegawai bebas daripada penyakit yang boleh menjejaskan keupayaan untuk mengamalkan perubatan (*unfit to practice*) dari segi fizikal dan mental seperti di Lampiran A**;
- 1.11 **Pegawai Kerajaan yang menarik diri dari mengikuti latihan setelah menandatangani kontrak dengan Kerajaan Malaysia akan dikenakan penalti dan tidak layak memohon selagi ikatan kontrak dengan Kerajaan masih berjalan**;
- 1.12 **Pegawai yang menolak tawaran latihan bagi sesi sebelum ini tanpa alasan yang munasabah adalah tidak layak memohon dalam tempoh dua (2) tahun terakhir**;
- 1.13 **Pegawai yang sedang mengikuti mana-mana Program Lanjutan adalah tidak layak memohon**;
- 1.14 **Pegawai wanita hamil tidak layak memohon. Calon juga tidak dibenarkan hamil sepanjang tempoh pengajian**;
- 1.15 **Memiliki Sijil Amalan Profesional yang masih sah (sekiranya berkenaan)**;
- 1.16 **telah melepasi tempoh menunggu (*grace period*) selama 3 tahun dari tamat kursus jangka sederhana atau kursus jangka panjang di dalam atau luar negara yang terdahulu dengan jayanya**;
- 1.17 **Pegawai yang telah mengemukakan permohonan pertukaran/ dalam proses pertukaran tempat bertugas tidak layak dipertimbangkan untuk mengikuti Program Lanjutan; dan**
- 1.18 **Pegawai dalam kumpulan Pengurusan dan Profesional (P&P) yang ingin memohon Program Lanjutan perlu mendapat kelulusan khas dan mengemukakan surat sokongan Ketua Bidang/Ketua Jabatan kepada Bahagian Pengurusan Latihan.**

2. SYARAT-SYARAT KHAS

Syarat-syarat khas kursus adalah seperti berikut:

2.1 Diploma Lanjutan Kebidanan

- (i) Memiliki **Sijil Kursus Penyusuan Susu Ibu (PSI)** yang menggunakan modul latihan: ***Breastfeeding Promotion and Support: A Training Course for Health Professionals***, MOH, 2009 termasuk **3 jam latihan amali**, seperti berikut:
 - (a) Sijil Kursus Penyusuan Susu Ibu mestilah **mulai dari tahun 2009**; dan
 - (b) **Minimum 20 jam kursus termasuk 3 jam latihan amali**;
- (ii) Modul latihan bagi kursus PSI 13@18 jam adalah **tidak setaraf** dengan kursus 20 jam.

2.2 Diploma Lanjutan Sitologi

- (i) Keutamaan kepada calon yang mempunyai pengalaman bertugas di Makmal Sitologi **sekurang-kurangnya satu (1) tahun**; atau
- (ii) Menyaring **1,000 slaid** ginekologi.

2.3 Diploma Lanjutan Hematologi

- (i) Keutamaan kepada calon yang mempunyai pengalaman bertugas di Makmal Hematologi **sekurang-kurangnya satu (1) tahun**.

2.4 Diploma Lanjutan Perawatan Perioperatif

- (i) Pengalaman klinikal **sekurang-kurangnya enam (6) bulan** di dewan bedah am/sub kepakaran; atau
- (ii) Tiga (3) bulan sangkutan (*attachment*) dewan bedah am/sub kepakaran.

2.5 Diploma Lanjutan Perawatan Kesihatan Mental

- (i) Pengalaman klinikal **sekurang-kurangnya enam (6) bulan** dalam perawatan Kesihatan Mental.

2.6 **Diploma Lanjutan Penjagaan Kecemasan**

- (i) Keutamaan kepada calon yang mempunyai pengalaman klinikal **sekurang-kurangnya enam (6) bulan** dalam Penjagaan Kecemasan; dan
- (ii) Memiliki **Sijil *Basic Life Support*** yang masih sah.

2.7 **Diploma Lanjutan Perawatan Pediatrik**

- (i) Pengalaman klinikal **sekurang-kurangnya enam (6) bulan** di Wad Pediatrik/Klinik Pediatrik/Pusat Rawatan Harian Pediatrik/*Paediatric High Dependency Unit/Paediatric ICU*.

2.8 **Diploma Lanjutan Penjagaan Neurosains**

- (i) Pengalaman klinikal **sekurang-kurangnya tiga (3) bulan** dalam penjagaan Neurosains.

2.9 **Diploma Lanjutan Tomografi Berkomputer**

- (i) Pengalaman **sekurang-kurangnya enam (6) bulan** di bidang Tomografi Berkomputer dalam tempoh tiga (3) tahun terkini perkhidmatan; dan
- (ii) Calon Juru X-Ray (Terapi) perlu memenuhi pra-syarat Buku Rekod Radioterapi sebelum mengikuti kursus ini

2.10 **Diploma Lanjutan Perawatan Neonatal**

- (i) Pengalaman klinikal **sekurang-kurangnya enam (6) bulan** dalam perawatan Neonatal; dan
- (ii) Memiliki Sijil Amalan Tahunan (APC).

2.11 **Diploma Lanjutan Terapi Senaman**

- (i) Mempunyai Diploma Fisioterapi atau Ijazah Fisioterapi; dan
- (ii) Mempunyai pengalaman kerja minimum selama tiga (3) tahun.

2.12 Diploma Lanjutan Kejururawatan Penjagaan Rapi

- (i) Pengalaman klinikal **sekurang-kurangnya enam (6)** bulan di unit rawatan rapi;
- (ii) Mempunyai Diploma Kejururawatan;
- (iii) Memiliki Sijil Amalan Tahunan (APC) yang masih sah seperti yang ditetapkan oleh profesion; dan
- (iv) Memiliki sijil yang masih sah untuk ***Basic Life Support*** serta salah satu daripada sijil kursus ***Advanced Life Support (ALS)*** atau ***Malaysian Paediatric Life Support (MPLS)***.

2.13 Pos Basik Perawatan Gastrointestinal Endoskopi

- (i) Mempunyai pengalaman bertugas **sekurang-kurangnya enam (6) bulan** dalam bidang yang berkaitan dengan penjagaan gastroenterologi; dan
- (ii) Memiliki **Sijil *Basic Life Support*** yang masih sah.

2.14 Pos Basik Pengurusan Penjagaan Luka

- (i) Mempunyai pengalaman klinikal **sekurang-kurangnya enam (6) bulan** dalam bidang yang berkaitan dengan penjagaan luka; dan
- (ii) Keutamaan kepada pegawai yang bertugas dalam Pasukan Penjagaan Luka di hospital.